



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apologia Oder Verantwortung D. Vvolffgangi Peristeri,
wider seine Widersacher vnd Verfolger/ Nemlich/ die
Prediger zu Wismar**

Peristerus, Wolfgang

[Erscheinungsort nicht ermittelbar]

VD16 T 210

Der Sechszehende/ vnd mit Gottes Hilff der Erste vnd der letzte Jrthumb:
Sintemal die andern alle gantz vnd gar nichtig worden sind/ vnd dieser
von sich selbs auch/ nicht anders wie die Butter oder ...

urn:nbn:de:hbz:466:1-36664

Wolffgangi Peristerj.

Wort vnd Element zusam vnd allein/ one das Dritte
Stück/ nemlich den Befehl des essens vnd trinckens/
das Sacrament mache/ sondern die ganze Eynsetzung
des Herrn mus da sein zusam vnd zugleich/ nemlich das
Element/ der Befehl/ Nemet/ esset/ trincket/ vnd das
Wort/ Das ist mein Leib/ das ist mein Blut/ das ich ha
be vergossen euch zu gute/ &c. soles anders ein recht vnd
warhafftig Sacrament des Leibs vñ Bluts Jesu Chri
sti sein. Vnd eben das ist die Hauptproposition meines
ganzen Buchs/ wird auch durchaus nichts anders dar
in gehandelt/ denn das ich solche Proposition aus
gründlicher Göttlicher Geschrifft/ aus den Schrifften
Lutheri vnd anderer gesunden vnd Gottseligen Lerer/
nach der lenge beweise vnd erklere. Darvon lese weiter
in der Dritten Edition meines Gründlichen Berichts
die Erste Eynrede oder Gegenwurff.

Der Sechszehende/ vnd mit Gottes Hilff/
der Erste vnd der letzte Irrthumb: Sintemal die
andern alle ganz vnd gar nichtig worden sind/
vnd dieser von sich selbs auch/ nicht an
ders wie die Butter oder der
Schnee von der Sonnen
zergehen sol.

Erwerffe vnd verdamme ich alle Papistische J. iij. b.
vnd Abgöttische Ceremonien/ so in dem Bab
sthumb vber den Elementen vnd in irer vers
meinten Consecration geübet werden/ vnd in Gottes
Wort nicht alleine gar keinen Grund haben/ sondern
auch demselbigen stracks zu wider vnd Gottsesterlich
sind/ mit diesen Worten. Papist
sche vnd
abgötti

Demnach/ so sollen wir auch die alten Papistischen
vnd Abgöttische Ceremonien der Elevation oder des remonire
vberheupe erhebens/ Item/ des Hauchens vnd Creutz/ abzu
machens schaffen

machens vber den Elementen / vnd dergleichen Fantasien / abstellen vnd abschaffen / Sintemal wir des gar keinen Befehl von Christo haben / vnd ein lauter selbst ertichter Menschenfund vñ Thand / ja eine offentliche Abgötterey ist / Als nemlich / dardurch Sie / (die Papisten) vermeinen das Sacrament zumachen / vnd die Elementen in Christi Leib vnd Blut zuverwandeln.

Solche Wort / Lere vnd Meynung hat insonderheit der Tyrannische Allotrio episcopus vnd freueler Mensch zu S. Nicolas angefochten / vnd mir in einem Conuentu des ganzen Ministerij / so wir zu vnser lieben Frauen im Chor gehalten / vnter andern auch als einen Irthumb vnd Schwarm auffgerucket / vnd aus gemelten Papistischen vnd heuchelischen Ceremonien eitel Adiaphora vnd Mitteldinge gemacht. Daraus abermals klar vnd offenbar ist / was er für ein Lutheraner sey / vnd was er von dem thewren Reformatore Ecclesiarum, der denn solche offentliche Papistische vñ ergerliche Ceremonien allerdinge abgeschaffet / vnd noch heutiges Tages in allen wol reformierten Kirchen abgeschaffet sind / vnd wol bis zum Ende abgeschaffet sein vnd bleiben müssen / halte.

Vnd / O wie gerne wolten wir noch vber den Elementen hauchen / geuckeln / fantasiren vnd zeubern / das wir nur für die jenigen vnd so heilige Leute möchten gehalten werden / die mit irem Thun / Werck vnd Würdigkeit ausgerichtet / das Brod vnd Wein Christi Leib vnd Blut würden / vnd er dürffte warlich wol ein geringes nemen vnd werden gar zum Papisten / ja faren ganz vnd gar zum Teufel. Gott wölle sich aber seiner erbarmen / vnd in bekehren.

Das sey auch gnug von den Dreien vbrigen Irthumben / welche mir meine Widersacher / ewere Prediger / vber die andern alle / so in der Verzeichnis gemeldet sind /

Wolffgangi Peristers.

sind / auch fälschlich vnd böshafftig angetichtet haben /
vnd die solten sie ja auch in offtgemeltem irem grossen
vnd geschwinden Comment vnd Lügenden Buch bil-
lich berüret / vnd dasselbige damit desto viel mehr erwei-
tert vnd gröffer gemacht habē / Sintemal sie doch gros-
se vngehewre Lügenbücher vnd Annales (diese Wort-
rede ich nicht vmbsonst) zuschreiben / eine besondere
nerrische vnd thörichte Lust vnd Liebe tragen. Weil
das aber / wie ich aus der obgesetzten Verzeichnis leicht
zuerachten vnd zuvermercken habe / gar nicht gesche-
hen / so kan vnd mag ich daraus nicht anders vrtheilen /
denn das sie sich eines andern werden bedacht vnd besor-
get haben / sie möchten endlich zu G R O S machen /
vnd das sie damit nicht auskommen könnten / wie denn
auch eben war ist. Vnd wolte Gott / das sie sich im Glei-
chen auch der andern Puncten vnd mir schendlich auff-
gerichten Irthume halb bedechten / vnd ire grobe / gew-
liche / wüste vnd vngehewre Falschheit vnd Sophistea-
rey / ja greifflliche Lügen vnd Teufflische Calumnien /
damit sie sich nicht alleine wider iren vnschuldigen Tre-
hesten / sondern auch wider Gott den Herren selbs / vnd
seinen geliebten Son Jesum Christum / vñ den werthen
h. Geist / der da ein Geist ist der Lauterkeit vnd Wars-
heit / der Liebe vnd Einigkeit / zum höchsten versündi-
get haben / liessen von Herzen leid sein / so würde es freis-
lich vmb sie vnd vmb ire Seelenseligkeit desto viel bes-
ser stehen.

Beschlus.

IND habend demnach ewer Erbare Weisheiten
vnd namhafte Gunsten vnd Liebden aus dies-
ser meiner kurzen vnd richtigen Apologia oder
Verantwortung vnd Gegenbericht zweierley Elerlich
zuersehen / vnd zu mercken. Erstlich mit was vngegrün-